


KODAK Color Control Patches
© The Tiffen Company, 2000
LICENSED PRODUCT
Black
3/Color
White
Magenta
Red
Yellow
Green
Cyan
Blue



初 自序太陽上篇 一百二十三方總目
二上太陽經証治大意上篇

十武
597
1-6



明
補卷
1-6

進賢舒馳遠著

傷寒集註

英德堂藏版

鳴西氏
藏書

再重訂傷寒集註自序

英德堂藏版

嗟夫醫難言矣不通仲景之書不足以言醫然其書未易通也自漢迄今疏釋者數十家大都得失相參均之無當惟西昌喻嘉言奮起于千數百年之後條晰博辨其旨趣始明于世而綴學淺識猶徃徃背而

議之求能通喻氏之書者蓋亦寡也予少
好醫方每苦于難通獲交南昌羅先生子
尚蓋親承嘉言口授曰某得師傅要妙確
守數十年而未傳于徒年將八旬時光短
矣懼其傳之或失亟欲得其人而傳之今
于穎敏而堅銳可當吾意乃舉所得于嘉

言者以傳于詔詔蓋聳然起惶然謝敬受
其書而讀焉曠若蒙之發底之脫也于是
所至皆有驗然而仲景之書雖由尚論而
明其間遺義尚多故讀者不得其口授而
鮮能通也詔不敢苟安于黷混聽之以貽
其悞于是不揆薄劣叅攷百家微以症治

出其一知半解補而詳之殫精瘁神十餘
年始克集註成編不可謂非難也二三同
志德憑刻之行世歷有年所竟鮮有尋瑕
索瘢匡予之不逮者予心殊未謙也然予
既深知其難又安敢因人莫我訾遂忘其
難而遽以是自畫乎哉常耿耿孜孜行若

忘坐若遺如是者十年于茲矣自覺閱歷
多而識見廣學與年而俱進乃取原刻刪
之補之重鐫以問世至今又十年矣所歷
所驗愈多愈確于是復加訂定或庶幾稍
通旨趣可告無罪于同志君子乎抑或等
之諸家疏釋均歸無當乎爰再重刻以就

正高明異有攻予之短者予樂得聞而喜
有益焉不憚三訂四訂累煩剗劂也

大清乾隆三十五年庚寅歲春王正月元
旦後五日慎齋學人舒詔謹識

原序

予素不知醫常過江西訪故人舒公兩水廼識其族子馳
遠天姿高邁人也其於軒岐家書獨有心得之妙所至無
不桴鼓應者一日過之見所作傷寒集註予叩其所以曰
仲景傷寒論三百九十七法萬法之祖也叔和已下諸賢
咸宗之而鮮有發明迨西昌喻嘉言出其卓識闡發公奧
而尙論之則仲景斯道炳如日星柰復有後起諸書各逞
所見以自名家沒嘉言之功叛仲景之旨某實患之乃集
是書用以補偏救悞務欲學者不迷於所往也予聆其言
而閱其書集腋成裘無羨不備凡所爲補救諸家之不逮

者寃不外乎古人亦不泥於古人也概準之以理俾不一者咸歸於一矣顧以予之不知者讀之而竟無不知之也嗟夫仲景其無患乎嘉言之後有人焉亦斯道之不容混也爰許之序而未卽序者六七載今乾隆己巳秋乞假歸里省母道經江西馳遠來舟索序因令付梓以公海內固足以宣揚仲景翊贊嘉言而其補救造化普惠斯民功垂不朽者范文正公之所以擬良相也歟

閩汀雷鉉題

凡例

一醫書自素靈而下不啻汗牛充棟其間雖備醫藥之理而無六經定法定方漢儒張仲景著傷寒論始創三百九十七法一百一十三方大開六經法門匪特專治傷寒凡百雜病要皆不出六經之外治法卽在其中故曰三百九十七法萬法之祖也學者若不從茲入門則臨証一無所據卽以病屬何經當用何法宜主何方乃茫然矣雖窮年浩首寃何益哉故必熟服仲景原文揣摩六經証治而後胸有成竹目無全牛否則不足以言也

一仲景傷寒論洵醫家之要典也自經兵燹卷帙散軼其

所存者僅得之當時讀者之口授故其篇目失次缺而不完王叔和于尙可搜求之際乃不深加考訂而雜以僞撰成編陰陽舛錯顛倒無倫其後歷代相沿未及精察西昌喻嘉言始爲削去僞撰清出原文止存三百六十條爰著尙論篇條晰諸法網舉目張釐正六經井井不紊義例之善無出其右故是書篇目一一遵之而不
敢易

一喻嘉言尙論三百九十七法未及一百一十三方後人惜其方論未備稍有餘憾其徒徐忠可原方發明所由作也然亦擇焉而未精語焉而未詳且方論另爲一集

簡閱終非至便今是書卽列原方于本條之下擴充徐氏之意博採諸家論著以明其立方之旨命名之義并將藥性逐一請明某藥所以能治某病之故而某藥又有宜于此不宜于彼者俱有至理存焉俾學者讀仲景治病之法卽就便以考主治之方而無翻閱之勞是亦涓埃之助也

一 是書原爲初學而設不尙辭藻凡先賢論說開文概置不錄或辭多于意者纂其要而登之或意隱于辭者微加損益以顯捷而出之或先賢有不經意之字及後世傳訛倒亂之句皆以理正之極知僭越無似然輔翊先

賢之意引誘後來之心大不獲已救世之君子其必有以諒我也

是書凡主腦及關鍵處每字上加圈凡舉明脈証及比類處旁加尖圈凡精義處旁加密點凡緊要處旁加連圈以便省覽

一方中分兩悉照仲景之舊但漢時一兩止今之三錢三分其所謂方寸匕者卽一寸大之方匙也一錢匕者卽御錢大之圓匙也一字者以一錢有四字一字二分半凡之圭者十分方寸匕之一也又四刀圭爲一撮也附此以參考

一是書稿成于己未刻于庚午重刻于庚辰于今又十載矣自覺閱歷愈多而識見愈確于是殫厥心力再加訂正凡有未詳者益之冗者刪之可廢者去之迴視前刻煥然改觀焉今再重刻以問世冀幸高明或有以教我也

三百九十七法總目

卷之一太陽上篇

計五十三法

卷之二太陽中篇

計五十八法

卷之三太陽下篇

計二十四法

卷之四陽明上篇

計三十九法

卷之五陽明中篇

計三十一法

卷之六陽明下篇

計三法

卷之七少陽全篇

計二十一法

合病

計九法

併病

計五法

壞病

計二法

痰病

計三法

卷之八太陰全篇

計九法

卷之九少陰前篇

計二十七法

少陰後篇

計一十七法

卷之十厥陰全篇

計四十八法

過經不解

計四法

差後勞復

計六法

陰陽易病

計一法

三百附

六經定法

痢門擊綱

女科要訣

痘疹真詮

摘錄瘟疫

真陽論

雜病論

吐血論



一百一十三方總目

太陽上篇計一十四方

桂枝湯 桂枝 白芍 甘草 生薑 大棗

五苓散 猪苓 茯苓 澤瀉 白朮 肉桂

桂枝加附子湯 干桂枝湯內加附子一枚

桂枝加桂湯 干桂枝湯內加桂二兩

桂枝人參湯 桂枝 人參 甘草 白朮 乾薑

葛根黃連黃芩湯 葛根 黃連 黃芩 甘草

桂枝去芍藥湯 于桂枝湯內去白芍

桂枝去芍藥加附子湯 于桂枝湯內去白芍加附子



桂枝加厚朴杏仁湯

湯內加厚朴杏仁

桃仁承氣湯

桃

桂枝

大黃

芒硝

甘草

抵當湯

水

蟅虫

桃仁

大黃

附代抵當湯

桃仁

牡尾

生地

肉桂

大黃

十棗湯

芫花

大戟

甘遂

大棗

大陷胸湯

大黃

芒硝

甘遂

大陷胸丸

大黃

芒硝

甘遂

葶藶

杏仁

白蜜

太陽中篇計三十五方

麻黃湯

麻黃

桂枝

杏仁

甘草

小建中湯

即桂枝湯加飴糖

茯苓甘草湯

茯苓

桂枝

甘草

生薑

芍藥甘草附子湯

三味

桂枝加芍藥生薑各一兩人參三兩新加湯

麻黃杏仁甘草石膏湯

四味

桂枝甘草湯

二味

茯苓桂枝甘草大棗湯

四味

厚朴生薑甘草半夏人參湯

五味

生薑瀉心湯

生薑

甘草

人參

乾薑

半夏

甘草瀉心湯

甘草

黃連

大棗

乾薑

半夏

大黃黃連瀉心湯

二味

附子瀉心湯

附子 大黃 黃連 黃芩

半夏瀉心湯

半夏 甘草 大黃 黃芩 人參 乾薑 黃連

赤石脂禹餘糧湯

二味 半夏 生薑 大棗 大黃

大柴胡湯

柴胡 枳實 黃芩 白芍 半夏 生薑 大棗 甘草

旋覆代赭石湯

旋覆花 代赭石 人參 半夏 甘草

小陷胸湯

黃連 半夏 栝蒌實

柴胡桂枝湯

柴胡 桂枝 黃芩 人參 半夏 生薑

柴胡加龍骨牡蠣湯

柴胡 龍骨 牡蠣 大黃 桂枝 生薑 大棗 人參

炙甘草湯

甘草 生地 阿膠 麻仁 桂枝 生薑 人參 麥冬 大棗 清酒

四逆湯

生附子 乾薑 甘草

梔子厚朴湯

梔子 厚朴 枳實

梔子乾薑湯

二味

梔子生薑湯

三味

梔子豉湯

二味

梔子甘草豉湯

三味

乾薑附子湯

二味

茯苓桂枝白朮甘草湯

四味

抵當丸

水蛭 蟅虫 桃仁 大黃 共杵為丸

桂枝附子湯

桂枝 附子 甘草 生薑 大棗

總目

白朮附子湯

白朮 附子 甘草 生薑 大棗

甘草附子湯

甘草 附子 白朮 桂枝

麻黃連軀赤小豆湯

麻黃 杏仁 生薑 赤小豆 連軀 甘草 大棗 梓白皮

梔子藥皮湯

梔子 黃蘗 甘草

太陽下篇 計一十五方

大青龍湯

麻黃 甘草 生薑 大棗 桂枝 杏仁 石膏

真武湯

附子 白朮 茯苓 白芍 生薑

桂枝麻黃各半湯

湯內加麻黃石膏

桂枝二越婢一湯

桂枝 石膏

桂枝二麻黃

桂枝去桂加茯苓白朮湯

桂枝湯內去桂加茯苓白朮

桂枝去芍藥加蜀漆龍骨牡蠣救逆湯

桂枝 甘草 生薑 大棗

蜀漆 龍骨 牡蠣

桂枝甘草龍骨牡蠣湯

四味

甘草乾薑湯

二味

芍藥甘草湯

二味

茯苓四逆湯

茯苓 人參 附子 甘草 乾姜

黃連湯

黃連 大棗 人參 半夏 乾姜 桂枝 甘草

小青龍湯

麻黃 芍藥 半夏 五味子 桂枝 甘草 乾姜 細辛

白虎加人參湯

于白虎湯內加人參

總目

九

白虎湯 知母 石膏 甘草 粳米

陽明上篇 計四方

小承氣湯 大黃 枳實 厚朴

調胃承氣湯 大黃 芒硝 甘草

猪苓湯 猪苓 茯苓 澤瀉 甘膠 滑石

茵陳蒿湯 茵陳 梔子 人黃

陽明中篇 計四方

蜜煎導法 一味

猪膽導法 一味

大承氣湯 大黃 芒硝 厚朴 枳實

脾約丸 麻仁 杏仁 芍藥 大黃 枳實 厚朴

少陽篇 計二方

少柴胡湯 柴胡 大棗 人參 半夏 甘草 黃芩 生薑

柴胡桂枝乾薑湯 柴胡 乾薑 甘草 黃芩 桂枝 牡蠣 枳實根

合病篇 計五方

桂枝加葛根湯 干桂枝湯內加葛根

葛根湯 葛根 大棗 麻黃 桂枝 甘草 白芍 生薑

葛根加半夏湯 于葛根湯內加半夏

黃芩湯 黃芩 芍藥 甘草 大棗

黃芩加半夏生薑湯 于黃芩湯內加半夏生薑

痰病篇 計一方

瓜蒂散 甜瓜蒂 赤小豆

太陰篇 計二方

桂枝加芍藥湯 干桂枝湯內倍加芍藥

桂枝加大黃湯 干桂枝湯內加大黃

少陰前篇 計七方

麻黃附子細辛湯 三味

附子湯 附子 茯苓 人參 白朮 白芍

麻黃附子甘草湯 三味

吳茱萸湯 吳茱萸 人參 生薑 大棗

白通湯 葱白 乾薑 附子

白通加人尿猪膽汁湯 于白通湯內加人尿猪胆汁

通脈四逆湯 附子 乾姜 甘草 葱白

少陰後篇 計八方

黃連阿膠湯 黃連 阿膠 黃芩 白芍 雞子

桃花湯 赤石脂 乾薑 粳米

猪膚湯 一味

甘草湯 一味

桔梗湯 桔梗 甘草

半夏散 及湯 半夏 桂枝 甘草

苦酒湯 半夏 雞子

四逆散 甘草 枳實 柴胡 白芍

厥陰篇 計六方

烏梅丸 烏梅 細辛 乾薑 黃連 蜀椒 人參
桂枝 附子 黃柏 當歸

當歸四逆湯 當歸 細辛 甘草 通草 白芍
桂枝 大棗

當歸四逆加茱萸生薑湯 于前湯方內加吳茱萸生薑

麻黃升麻湯 麻黃 升麻 當歸 知母 黃芩
葳蕤 天冬 石膏 白朮 乾姜
白芍 茯苓 桂枝

乾薑黃連黃芩人參湯 四味
甘草 桂枝

白頭翁湯 白頭翁 黃連 黃柏 秦皮

過經不解篇 計一方

柴胡加芒硝湯 于小柴胡湯內加芒硝

差後勞復及陰陽易病篇 計五方

枳實梔子豉湯 三味
枳實 梔子 豉

牡蠣澤瀉散 牡蠣 栝實根 葶藶 蜀漆 澤瀉
商陸根 海藻 白朮 乾薑

理中丸 人參 甘草 白朮 乾薑

竹葉石膏湯 淡竹葉 石膏 甘草 人參 麥冬
半夏 硬米

燒裨散 男病用女裨女病用男裨取裨二尺許剪燒灰
水和服

再重訂傷寒集註卷之一

進賢舒詔馳遠著

太陽經証治大意

喻嘉言曰。足太陽之經。病主表也。而表有營衛之不同。病有風寒之各異。風則傷衛。寒則傷營。風寒兼受。營衛兩傷。三者之病。各分疆界。仲景立桂枝湯治風傷衛。麻黃湯治寒傷營。大青龍湯治風寒兩傷營衛。此天然不易之法也。今將太陽分爲三篇。以風傷衛爲上篇。寒傷營爲中篇。風寒兩傷營衛爲下篇。俾讀者了然而無疑。庶隨所施而無不當也。

舒詔曰。風為陽邪。衛為陽道。氣行寒為陰邪。營為陰道。血行風邪之所以但傷于衛而不傷于營者。陽與陽相親也。寒邪之所以但傷于營而不傷于衛者。陰與陰相接也。故邪雖由太陽而傳遍六經。其風邪終不犯于營。而寒邪仍不犯于衛。此陰陽之各從其類而不相混也。

太陽上篇

凡風傷衛之証列于此篇計五十三法

一 太陽之為病。脈浮頭項強痛而惡寒。原文

喻嘉言曰。太陽為六經之首。主皮膚而統營衛。所以為受病之始。

病有發熱惡寒者。發于陽也。無熱惡寒者。發于陰也。發

于陽者。七日愈。發于陰者。六日愈。以陽數七。陰數六也。原文

喻嘉言曰。風為陽。衛亦陽。故曰病發于陽。寒為陰。營亦

陰。故曰病發于陰。無熱惡寒者。指寒邪初受。未鬱為熱

而言也。少頃鬱于營間。則仍發熱矣。太陽中篇第一條

云。或已發熱。或未發熱。正互明其義也。

詔按諸家皆以此條挈六經之總謂發熱惡寒屬三陽無熱惡寒屬三陰其說粗疎不合也蓋太陽發熱惡寒陽明發熱不惡寒少陰有裡寒外熱之証發熱惡寒外邪協火而動者全不惡寒厥陰有純陽無陰之証不但不惡寒且反惡熱各經皆有定法確有所據此發熱惡寒無熱惡寒二語何以能括六經之總耶喻氏以此二語乃所以挈明風為陽寒為陰之故尚指太陽而言其理甚當

三太陽病頭痛至七日已上自愈者以行其經盡故也若欲再作經者針足陽明使經不傳則愈原文

四太陽病欲解時從巳至未上原文

按此亦該風寒而言巳午未太陽之王時也凡病欲解之時必從其經氣之王

五欲自解者必當先煩乃有汗而解何以知之脈浮故知汗出解也原文

喻嘉言曰天地鬱蒸而雨作人身煩悶而汗作氣機之動也氣機一動其脈必與其証相應故脈浮而邪還于表才得有汗而外邪盡從外解設脈不以浮應則不能作汗其煩即為內入之候又在言外矣

六太陽病發執汗出惡風脈緩者名為中風原文

太陽中風陽浮而陰弱陽浮者熱自發陰弱者汗自出
畜畜惡寒漸漸惡風翁翁發熱鼻鳴乾嘔者桂枝湯主之
原文

按關前為陽陽以候衛衛得和助陽脈故浮關後為
陰陰以候營營無和助陰脈故弱陽浮者熱自發陰
弱者汗自出三風傷衛証時發熱而時有微汗也畜
畜惡寒內氣也漸漸惡風外體疎也翁翁發熱者
乃形容熱之輕微也鼻鳴乾嘔四字有悞太陽行
身之背陽行身之前鼻鳴者陽明証也太陽何得
有此乾嘔氣上逆也不可發汗茲二者皆非桂枝

湯的對之証也總緣傷寒論軼于兵燹後人傳之不
得其真也若兼鼻鳴是太陽証兼陽明方中當加
葛根乾嘔者宜加砂仁半夏

桂枝湯

桂枝 芍藥 生姜各三兩 甘草二兩 大棗十二枚

右五味以水七升微火煮取三升去滓適寒溫服一升日
三服

按桂枝走太陽之表專驅衛分之風芍藥和陰護營
甘草調中解熱姜辛能散束甘能和又以行脾之津
液而調和營衛者也

再按諸家皆謂桂枝湯用芍藥以斂汗非也。仲景云：病人臟無他病，時發熱自汗出而不愈者，此為衛氣不和也。先其時發汗則愈。宜桂枝湯。主之。是桂枝湯乃發汗之劑，豈斂汗耶？且後天水穀之精氣生血水穀之悍氣生津血入于營，津行于衛，汗者津液之餘也。出自衛分，芍藥斂營不能斂衛，以芍藥為斂汗者，不通之至也。其所以用之者，以營行脈中，衛行脈外，風傷衛，証營分無邪，恐其邪被攻擊，亂潰而擾害于營，故必用芍藥以蔽護其營，斯無遺患矣。或又謂風但傷衛而不傷營，寒但傷營而不傷衛，此殊途而不

相紊也。既是風邪，使不用芍藥，果又能害于營乎？曰：風邪本不傷營，今恐桂枝攻擊其邪，亂潰而失其常耳。

服已，須臾歎熱稀粥一升餘，以助藥力，溫覆令一時許，遍身熱熱微似有汗者，益佳。不可令如水流澌，病必不除。若一服汗出病差，停後服，不必盡劑。若不汗，重服，依前法。又不汗，後服小促，役其間半日許，令三服盡。若病重者，一晝一夜服，周時觀之。服一劑盡，病証猶在者，更作服。若汗不出者，乃服至二三劑。禁生冷粘滑肉麵五辛酒酪臭惡物等。

桂枝本為解肌，若其人脈浮緊發熱汗不出者，不可與。

也當須識此勿令悞原文

按脈浮緊發熱汗不出者寒傷營也。忌用桂枝湯者非忌桂枝乃忌芍藥也。以邪在營分悞用芍藥斂閉其營邪無從出遺害無窮。解肌二字有悞。解肌者開解肌肉法屬陽明以陽明主肌肉故也。桂枝乃太陽驅風之藥並非陽明解肌之藥。何得謂本為解肌。觀此條于中少一湯字悞寫解肌二字當是桂枝湯。驅風若其人脈浮緊發熱汗不出者不可與也。須識此勿令悞如此則無疑議矣。
在枝湯吐者其後必吐膿血也。原文

按下條酒客病不可與桂枝得湯則嘔者其後果必吐膿血乎。蓋積飲素盛之人悞服表藥以耗其陽而動其飲上逆而吐亦常有之。若吐膿血者從未之見也。定知叔和有錯。

酒客病不可與桂枝得湯則嘔。以酒客不喜甜故也。原文
喻嘉言曰酒客平素濕熱搏結胸中才挾外邪必增滿逆所以辛甘之法遇此輩即不可用。得湯則嘔者以甘能增滿甘能動湧故也。

發汗後水藥不得入口為逆。若更發汗必吐下不止。原文
喻嘉言曰水藥不得入口則中滿已極不可更發汗以

動其滯。凡是表藥皆可。令吐下不止。不獨是桂枝當禁。按此証。胃陽素虛。風有寒飲。汗則陽氣外越。內飲乃隨陽藥上升。結聚胸中。以致水藥不得入口。為逆。若更發汗。則陽愈耗。而陰愈動。斯水飲之逆者。必至上下奔迫無度矣。假令始初。即以制飲散逆之品。加入發汗藥內。必無此逆。

十二 太陽病。頭痛發熱。汗出惡風者。桂枝湯主之。原文

十三 太陽病。外症未解。脈浮弱者。當以汗解。宜桂枝湯。原文

十四 太陽病。發熱汗出者。此為營弱衛強。故使汗出。欲救邪風者。宜桂枝湯主之。原文

按營弱衛強之說。究非確義。風傷衛之所以有汗。而寒傷營無汗者。以營氣精專。靜而閉。錮衛氣慄疾動。而疎泄。且風主發揚。寒主收引。陽開陰閉。自然之道也。安得有所謂營弱衛強者哉。

十五 病人臟無他病。時發熱自汗出而不愈者。此為衛氣不和也。先其時發汗。則愈。宜桂枝湯主之。原文

喻嘉言曰。臟無他病四字。櫛括人身宿疾。即動氣不可發汗亦在內。

按風傷衛証。主桂枝湯。一定之法也。然必察其臟無他病。方可用之。而無虞。不然。自當見証加減。若本氣

虛寒宜加姜附。溫經禦表。本氣燥熱宜加歸地。滋陰助汗。如此之類。詳其兼証。察其二便。問其平日體氣虛實。飲食宜寒宜熱。以盡臨証之妙。則神乎其技矣。

病嘗自汗出者。此為營氣和。營氣和者。外不諧。以衛氣不共營氣和諧。故爾。以營行脈中。衛行脈外。復發其汗。營衛和則愈。宜桂枝湯。原文

喻嘉言曰。此明中風病。營氣本和。但衛強不與營和。復發其汗。俾邪從外解。斯衛不強而與營和矣。

太陽病初服桂枝湯。反煩不解者。先刺風池。風府。却與桂枝湯則愈。原文

按此証雖屬風傷衛。勢必畧華微寒。候在芍藥散。因營邪所以反煩不解。法當去芍藥。加麻黃服之。必得汗出而解。

風家表解而不了了者。十二日愈。原文

喻嘉言曰。風邪雖去。而陽氣之擾攘未得遽寧。不必治之。俟十二日。經氣復理。必自愈。見當靜養。以需不可喜功生事也。

中風發熱。六七日不解而煩。有表裏証。渴欲飲水。水入則吐者。名曰水逆。五苓散主之。多服煖水。汗出愈。原文

按此條非太陽腑証。不當用五苓散。所言中風發熱。

六七日不解而煩有表裏証法當用桂枝以解其表石膏以除其煩若兼渴欲飲水水入則吐者更加砂仁半夏散逆上吐于五苓散何取乎若太陽經邪傳腑則必口渴而小便不利方可用五苓散通調水道消熱回津否則非法也

太陽病發汗後大汗出胃中乾煩燥不得眠欲得飲水者少少與飲之令胃氣和則愈若脈浮小便不利微熱消渴者與五苓散主之原文

喻嘉言曰凡飲水多而小便少者謂之消渴程郊倩曰熱在上中二焦者胃中乾是也其人小便必

利熱在下焦者熱入膀胱是也其人小便必不利如胃中乾煩燥不得眠而小便自利欲飲水者少少與之以潤胃燥使胃氣和則愈不可更用五苓散重去其津液也若熱在下焦自爾小便不利顧其間又有辨焉熱入而蓄邪水者則水氣必挾熱上升而致格水如前條水入則吐者是也用五苓散以開結利水也若脈浮小便不利微熱消渴者是熱蓄膀胱不格水者無邪水之蓄也亦用五苓者取其化氣回津也

按此因多汗而奪液成燥者原無裏燥故不必白虎諸法但飲水可潤也上條言中風是風傷衛也風性

上行故為水逆。此條是寒傷營也。寒性下行，故為消渴。

五苓散

猪苓

茯苓

白朮

各一十八銖

澤瀉

一十六銖半

肉桂

半兩

右為末，以白飲和服，方寸匕，日三服。

汪詡庵曰：二苓甘淡入肺而通膀胱為君。猪苓走氣分，茯苓走血分。

澤瀉鹹寒入腎而走膀胱為臣。益土所以制水，故以白朮健脾去濕為佐。膀胱者，州都之官，津液藏焉，氣化則能出矣，故以肉桂辛熱為使，引入膀胱以化其氣，使邪

皆由小便而出也。

皆由小便而出也。

按：太陽腑証乃為氣化不行，是病在氣分，不當用血

分之藥。仲景必不用猪苓于五苓散之中，疑是叔和

之錯。愚意當用桔梗開提肺氣，乃可使膀胱轉運而

行其化，故曰桔梗能通天氣于地道也。再按：太陽

腑証有蓄尿蓄熱二端。適值膀胱有尿熱邪入而搏

之，則少腹滿為蓄尿。若無尿熱邪入，無所搏則少腹

不滿為蓄熱。蓄尿者用肉桂溫以化之，蓄熱者去肉

桂加滑石以瀉熱利水也。

太陽病發汗，汗出不解，其人仍發熱，心下悸，頭眩，身瞤

動振振欲擗地者真武湯主之。原文

喻嘉言曰陽虛之人才發其汗便出不止用麻黃火劫等法多有此証所以仲景于桂枝湯中垂戒不可令如水流漉蓋見用桂枝且有逼汗亾陽之事矣振振欲僻地五字形容亾陽之狀如繪蓋擗者闕也避也汗出過多衛氣解散其人似乎全無外廓故振振然四顧徬徨無可置身思欲擗地以避處其內也大熱亾陰者欲坐井中避熱就冷也汗多亾陽者欲擗地中避虛就實也

太陽病發汗遂漏不止其人惡風小便難四肢微急難以屈伸者桂枝加附子湯主之。原文

喻嘉言曰大發其汗致陽氣不能衛外為固而汗漏不止耳惡風者腠理大開為風所襲也小便難者津液外泄而不下滲兼以衛氣外脫而膀胱之化不行也四肢微急難以屈伸者筋脈無津液以養兼以風入而增其勁也用桂枝加附子以固表驅風復陽歛液也

桂枝加附子湯

即于桂枝湯內加大附子一枚。包

羅紫尚曰用附子有二義一以壯表一以禦陰

門人孫廣從曰此條于理不合曰太陽病發汗遂漏不止當是汗出不止何為漏也漏字不可解其人惡

風者衛陽不足也。小便難者，陽氣外亡而氣化不利也。四肢微急，難以屈伸者，乃陽氣暴虛，陰氣四布，阻滯經脈，關節不利也。喻氏謂經脈無津液以養，非也。如果經脈失養，法當滋津，附子不可用也。又曰：兼以風入而增其勁也，何以見得風邪復入，並無微驗。豈可更用桂枝以再傷其陽乎？且芍藥酸寒，生陰之物，回陽藥中最不宜用。總當重用附子以回其陽，芪朮建立中氣，砂半以醒脾氣，故紙收固腎氣，虎骨通利關節，一定之理也。

太陽病中風，以火劫發汗，邪風被火熱，血氣流溢，失其

常度。兩陽相熏灼，其身發黃。陽盛則欲衄，陰虛則小便難。陰陽俱虛竭，身體則枯燥，但頭汗出，劑頸而還，腹滿而喘，口乾咽爛，或不大便，久則讖語。甚者至噦，手足躁擾，捻衣摸床。小便利者，其人可治。原文

喻嘉言曰：風陽也，火亦陽也。邪風更被火熱助之，則血氣沸騰，所以失其常度。熱勢瀰漫，所以蒸身為黃。然陽邪盛于陽位者，尚或可從衄解。可從汗解。至于陽邪深入陰分，勢必劫盡陰精，所以劑頸以下不能得汗，口乾咽爛，肺焦喘促，身體枯燥，小便難，大便閉，手足擾動，讖妄噦逆，乃是一團邪火內熾，真陰頃刻立盡之象。有非

藥丸所能勝者必其人小便尙利陰未盡傷始得以行
驅陽救陰之治也噫亦危矣。

又曰陽邪挾火擾亂陰分而亡其陰則是失汗所致設
有汗則邪從汗解必無內逼之患後條火邪深入必固
血一証亦謂身體枯燥而不得汗者必致圍血設有汗
更不圍血又可知矣。

及門張蓋仙曰此証純陽無陰何得云陰陽俱虛竭
是必後人有悞。

論太陽病二日反燥反慰其背而大汗出大熱入胃胃中
水竭燥煩必發讖語十餘日振慄自下利者此為欲解也。

故其汗從腰已下不得汗欲小便不得反嘔欲失溲足下
惡風大便鞭小便當數而反不數及多大便已頭卓然而
痛其人足心必熱穀氣下流故也。原文

按大陽病二日反燥必其人胃有宿燥也法宜散表
藥中兼除裏燥而雙解之醫反慰其背而大汗出則
胃液被奪裏燥愈動大熱因復入胃燥煩讖語真陰
有立盡之象此時宜急以救陰也若其人本氣強健
過十餘日津液自回忽得振慄則表邪傳表自下利
則裏邪傳裏而營衛得通裏燥得下此為欲解也然
必當日慰背時大汗出透週身則今日邪解自當上

下俱微設腰已下不得汗則下焦之邪必不得解下邪閉甚故欲小便不得此時大便復閉亦可知矣反嘔欲失瀉者邪氣上越下閉畧鬆故瀉即欲失也是下惡風下邪未解之徵也凡大便鞭者小便當數今為閉甚欲小便且不可得何得數耶又必更俟其大便多出則腸胃清而裏燥去津液必當大回經氣自得流通腰下之汗皆得出透而病方已其後之頭痛是熱者潰邪傳散以從升降而為去路也然亦胃陽流布之休徵故曰穀氣下流故也

太陽病以火熏之不得汗其人必燥到經不解必圍血

名為火邪

原文

按火邪迫血皆無汗而致若有汗陽邪有共出路矣自無迫血之事也上條血從上逆者是風傷衛風性上行故欲衄此條下趨陰竅者是寒傷營寒性下行故圍血

微數之脈

慎不可灸因火為邪則為煩逆追虛逐實血

散脈中火氣雖微內攻有力焦骨傷筋血難後也

原文

喻嘉言曰微數者陰虛多熱也此而灸之則虛者益虛熱者益熱凡病皆然不獨傷寒宜戒

燒針

令其汗針處被寒核起而赤者必發奔豚氣從少

腹上衝心者。灸其核上。各一壯。與桂枝加桂湯。更加桂厚

被難經云。腎之積曰奔豚。則奔豚屬腎矣。方用桂枝

加桂湯于少陰法不合也。且既為陰邪上逆。從少腹

衝心。悖亂已極。豈可更用桂枝之升散。以重耗其陽

而愈動其陰乎。仲景必無此法。偶與閔公景陸談醫

曰。昨見一壯盛少年。患少腹痛。以漸上攻。而至心下

醫者用桂枝加桂湯四劑。則魄汗厥逆而死。此悞矣。

証乃中寒。宜主吳茱萸四逆湯。驅陰降逆。疎庸之輩

謬據奔豚法。而放膽用桂枝以殺之耳。予聞而爽然

曰。先生高識。足以釋我疑。而破天下後世之惑也。今

而後益知奔豚之法不可從也。爰是更進而求之。燒

針者。溫經以禦陰也。腎邪當不致竊發矣。且核起而

赤者。尚在驅殼之表。曷為必發奔豚耶。此必後人之

桂枝加桂湯

即于桂枝湯內加桂二兩。更加桂

三太陽病。當惡寒發熱。今自汗出。不惡寒發熱。關上脈細

數者。以醫吐之過也。一二日吐之者。腹中飢。口不能食。三

四日吐之者。不喜糜粥。欲食冷食。朝食暮吐。以醫吐之所

致。此為小逆。原文

喻嘉言曰。吐中亦有發散之義。故不惡寒發熱。然外感

雖除脾胃受傷故不能食且朝食暮吐雖未大傷亦小逆也。

三 太陽病吐之。但太陽病當惡寒。今反不惡寒。不欲近衣。此為吐內煩也。原文

喻嘉言曰。此以吐傷胃中之陰。較上條稍輕。

三 太陽病外証未解者不可下也。下之為逆。欲解外者宜桂枝湯主之。原文

門人蕭克協曰。太陽病除脾約外。無論表之解與未解。皆不可下。此云外証未解者不可下也。然則外証解者即可下乎。非理也。

三 太陽病先發汗不解而復下之。脈浮者不愈。浮為在外。而反下之。故令不愈。今脈浮。故知在外。當須發汗。則愈。宜桂枝湯主之。原文

三 太陽病下之。其氣上衝者。可以桂枝湯方用前法。若不衝者不可與之。原文

按。桂枝湯。太陽之表藥也。若太陽表証現在。雖經誤下。而無變証。正當用桂枝湯以解太陽之表。何論其氣之上冲。與不上冲乎。仲景必無此法。

三 太陽病外証未除而數下之。遂協熱而利。利下不止。心下痞鞭。表裏不解者。桂枝人參湯主之。原文

按協熱利者是裏寒協表熱而利也故用桂枝以解表熱合用理中以溫其中而驅裏寒則利自止而痞自開也

再按數當作速下早之意也或作頻下非也一下已悞何堪頻下乎

桂枝人參湯

桂枝 四兩 甘草 四兩 白朮 三兩 人參 三兩 乾薑 三兩

汪詡庵曰此方用理中加桂枝不名理中而名桂枝者重太陽之意也

太陽病桂枝証醫反下之利遂不止脈促者表未解也

喘而汗出者葛根黃連黃芩湯主之原文

葛根黃連黃芩湯

葛根 半斤 甘草 二兩 黃連 三兩 黃芩 二兩

按此法湯名不合在太陽例中不得以葛根名湯大叛仲景之法也

再按言表未解者是太陽病未解也因下傷脾中之陽則利不止腎氣渙散無歸則胸中之氣不得下達故喘汗出者微陽欲亡也法宜朮附參芪回陽止泄故紙益智收納腎氣吸引胸中之氣下行而喘自止葛根走陽明犯太陽之所禁不可用也熱証未見何

傷寒集註 卷一
取苓連仲景必無此法也

三 太陽病下之後脈促胸滿者桂枝去芍藥湯主之。若微惡寒者去芍藥方中加附子湯主之。原文

按此為下傷胸中之陽不能宣布于上。陰氣乃得協飲上干而壅塞胸鬲。法宜芪朮附桂夏薑砂芍藥固不可用桂枝亦不可用也。定知叔和有錯。

桂枝去芍藥湯

于桂枝湯中去芍藥

桂枝去芍藥加附子湯

于前方內加附子一枚炮去皮

三 太陽病下之微喘者表未解故也。桂枝加厚朴杏仁湯

主之。喘家作桂枝湯加厚朴杏仁佳。原文

按喘非表証何得云微喘者表未解也。况喘亦各有所因。有因氣虛而喘者。法宜補氣。有因痰壅而喘者。法宜開痰。有因陽明胃實濁氣上干而喘者。法宜攻下。有因腎氣發動而喘者。法宜收固。腎氣凡此皆非厚朴杏仁之所能何為佳耶。叔和無理之至。

桂枝加厚朴杏仁湯

于桂枝湯內加厚朴 二兩 杏仁 五十個去皮尖

三 太陽病下之其脈促不結胸者。此為欲解也。脈浮者必

太陽病下之其脈促不結胸者。此為欲解也。脈浮者必

結胸也。脈緊者必咽痛。脈弦者必兩脇拘急。脈細數者頭
痛未止。脈沉緊者必欲嘔。脈沉滑者協熱利。脈浮滑者必
下血。原文

門人張蓋仙曰。第三十四條。下後脈促。斷為表未解。
此條何又云欲解。且通篇單憑脈以決証。尤為紕繆。
夫一脈主証多端。安知其不見他証乎。若舍望聞問
三法以論病。茫無確據矣。先聖斷不為此。

長 太陽病不解。熱結膀胱。其人如狂。血自下。下者愈。其外
不解者。尚未可攻。當先解外。外解已。但少腹急結者。乃可
攻之。宜桃核承氣湯。原文

程郊倩曰。太陽病不解。熱邪隨經入裏。是為熱結膀胱。
其人不能寧靜。必如狂。乃血分受邪。倘血已自下。則熱
隨血出。必自愈。桃核承氣湯中。仍兼桂枝者。以太陽隨
經之熱。非桂枝不解耳。

桃核承氣湯

桃仁五十個 大黃四兩 芒硝二兩 甘草二兩 桂枝二兩

右以水七升。煮取二升半。去滓。入芒硝。更上火微沸。下火
溫服五合。日三服。當微利。

汪詡庵曰。大黃芒硝。蕩熱去實。甘草和中。桃仁破血。加
桂枝以引出太陽之表也。

太陽病六七日表証仍在脈微而沉反不結胸其人發狂者以熱在下焦少腹當鞕滿小便自利者下血乃愈所以然者以太陽隨經淤熱在裏故也抵當湯主之。原文

喻嘉言曰此條之証較前條更重且六七日表証仍在曷為不先解其表耶又曷為攻藥中不兼加桂枝耶以脈微而沉反不結胸知邪不在上焦而在下焦也若少腹鞕滿小便自利則其人之發狂者為血蓄下焦無疑矣故下其血自愈然蓄血而至于發狂則熱勢攻心桃仁承氣不足以動其血桂枝不足以散其邪非用單刀直入之將必不能斬關取勝故名其湯為抵當抵者至

也乃至當不易之良法也設非此一法則少腹中所結之血既不附氣而行更有何藥可破其堅壘也

友人李宣木及門學醫問及太陽蓄血乃為熱結膀胱其去路自應趨前陰而出曷為方中主用大黃芒硝反奪其大腸何謂也予曰斯言確乎有理原文得之當時讀者之口授恐不能盡得其真以理揆之桃仁承氣與抵當湯為大腸蓄血者宜之于血蓄膀胱者果不合也方用紅花小蘗生地歸尾萬年霜之類加入五苓散中從小便以逐其邪庶幾有當斯雖臆說亦即可以為定法矣又問大腸蓄血與膀胱蓄血

者何以辨之曰血蓄膀胱者少腹鞭滿小便自利也
大腸蓄血者屎雖鞭而大便反易其色必黑仲景之
法以此為別耳

抵當湯

水蛭三十條猪脂 蠪虫三十個去翅足猪脂 桃仁三十個 大黄三兩

熬黑即馬蝗 附代抵當湯 煉蜜為丸即代抵當丸

桃仁 生地 歸尾 肉桂 大黄 玄明粉 穿山

甲

汪訥庵曰水蛭蠪虫皆食血之虫故用以治血也二藥
人所罕用故又製代抵當湯桃仁生地歸尾潤以通之

肉桂熱以動之大黄芒硝以推蕩之穿山甲引之以達
瘀所也

【甲】太陽病身黃脈沉結少腹鞭小便不利者為無血也小
便自利其人如狂者血証諦也抵當湯主之 原文

喻嘉言曰小便不利何以見其非血証耶蓋小便不利
乃熱淤膀胱無形之氣病為發黃之候也小便自利則
膀胱之氣化行然後少腹滿者允為有形之蓄血矣庸
工不能辨証實于此等處未着眼耳

【三】太陽病小便利者以飲水多必心下悸小便少者必苦
裏急也 原文

按。飲水多而小便利者。裏陽衰也。故水氣凌心。必心下悸。若飲水多而小便少者。裏有熱也。心下不悸。從可知矣。

大下之後。復發汗。小便不利者。亡津液故也。勿治之。得小便利。必自愈。凡病若發汗。若吐。若下。若亡血。亡津液。陰陽自和者。必自愈。原文

太陽病。下之而不愈。因復發汗。以此表裏俱虛。其人因致冒。冒家汗出自愈。所以然者。汗出表和故也。得裏未和。然後下之。原文

接原文云。太陽病則必頭項強痛。惡寒發熱矣。曰下

之而不愈。是太陽病未解可知矣。因復發汗。不可謂不當。其病之解與未解。置而不言。乃曰以此表裏俱虛。其人因致冒。則其冒因汗而致明矣。何又云冒家汗出自愈。又曰所以然者。汗出表和故也。其先已發其汗矣。其表何以不和。且太陽病未兼陽明。腑証何又憑空插入二句。曰得裏未和。而後下之。况早已下之矣。其裏何以不和。叔和偽撰。不通之至。

太陽病未解。脈陰陽俱停。必先振慄。汗出而解。但陽脈微者。先汗之而解。但陰脈微者。下之而解。若欲下之。宜調胃承氣湯主之。原文

按太陽中篇云傷寒一日太陽受之脈若靜者為不傳此云脈陰陽俱停兩無偏勝邪欲解可知也然必振慄而邪還于表汗出而營衛自和耳設見陽脈微者是表氣虛而邪不能傳表陰脈微者是裡氣虛而邪亦不能傳裏法當發表藥中兼以扶其本氣則俱得之矣此病在太陽不在陽明總不宜下其理甚明何得云陰脈微者下之而解太抵仲景之書軼于兵火後人不能得其真也

三太陽中風下利嘔逆表解者乃可攻之其人熱熱汗出發作有時頭痛心下痞鞭滿引脇下痛乾嘔短氣汗出不

惡寒者此表解裏未和也十棗湯主之原文

按太陽中風下利嘔逆其人熱熱汗出發作有時頭痛心下痞鞭滿引脇下痛乃是一團水飲蟠踞胸胃結連脇下且水勢瀰滿下澀而為利飲邪壅盛上逆而為嘔斯水飲大肆無論其表之解與未解法當溫中逐飲回陽止泄重用黃芪白朮附子乾姜半夏砂仁草果芫花一定之理也如十棗之大戟甘遂大傷元氣不可用也

十棗湯

芫花炒黑 甘遂 大戟等分 大棗十枚

傷寒集註 卷一
三
太陽病二三日不能卧但欲起心下必結脈微弱者此本有寒分也反下之若利止必作結胸未止者四日復下之此作協熱利也 原文

按言太陽病二三日有何關係即不言二三日亦未為不可不能卧但欲起何以知其心下必結曰脈微弱者此本有寒分也喻氏為之解曰本有寒飲積于心隔之分雖解得好究竟叔和撰句不通然以寒飲而致不能卧乃支飲上撐法當溫中理脾散逆逐飲而反下之以奪其陽而傷其中則必痰壅氣脫而死矣苟一息尚存而利自止者其間又有辨焉蓋陽回

利止則生陰盡利止則死也安得有所謂必作結胸者哉若利未止陰尚未盡陽尚可回何故復下之重奪其陽而傷其中未有不死者也而又曰此作協熱利也協熱利者裏寒協表熱而利也條中裏寒蓋有之表熱未之見豈因四日復下之而表熱憑空突出者乎藉令有之則當立法以溫其裏而兼解其表予無憾矣乃竟畢其文而不立其法叔和真門外漢也

病發于陽而反下之熱入因作結胸病發于陰而反下之因作痞所以成結胸者以下之大早故也 原文

按病發于陽為風傷衛悞下則結鞭于胸上以陽位

高在上也。病發于陰，為寒傷營。悞下則痞塞于心下。以陰位卑在下也。二証非為下之太早，乃病在太陽不應下而下之故也。

太陽病脈浮而動數，浮則為風，數則為熱，動則為痛。數則為虛，頭痛發熱，微盜汗出，而反惡寒者，表未解也。醫反下之，動數變遲，膈內拒痛，胃中空虛，客氣動膈，短氣燥煩，心中懊憹，陽氣內陷，心下因鞅，則為結胸。大陷胸湯主之。若不結胸，但頭汗出，餘無汗，劑頸而還，小便不利，身必發黃也。

原文
按陷胸湯非仲景原方，乃叔和偽撰，其脈動數變遲

熱變為寒矣。陰氣協飲上攻，故膈內拒痛。胃中因悞下而致空虛，客氣乘虛而攻動其膈，正氣受傷，則氣短而燥煩，有加心君為邪逼不安，而生懊憹。陽虛氣陷，陰獨結聚，心下因鞅，則為結胸。逐句推求，總為陽虛而陰湊也。然陽之所以虛，而陰之所以湊者，皆因悞在大黃芩硝，豈可復用大黃芩硝一悞而再悞之乎。斷斷無此理也。于是更進而求之，仲景原方自必重用參、芪、朮、附、砂、半、姜、椒、溫中補氣，驅陰散結，乃有以合乎理而中乎用，否則非法也。原文自大陷胸湯主之，文意已畢，其下數句無故加添，叔和無理之至。

大陷胸湯

大黃 六兩 芫硝 一升 甘遂 一錢為末

先煮大黃去滓內芫硝煮二三沸內甘遂末溫服

太陽病重發汗而復下之不大便五六日舌上燥而渴日晡所小有潮熱從心上至少腹鞭滿而痛不可近者大陷胸湯主之 原文

按此條平素津虧胃有夙燥証屬六陽陽明法當滋津除燥畧兼發表使結去津回乃得汗解若重發汗以強奪其液而復下之又不得法徒傷其元俾燥愈動而熱愈結不大便燥渴潮熱從心上至少腹鞭滿

而痛邪結堅滿之至合用大承氣湯重加生地以救津液枳殼以開胸鬲桔梗通天氣于地道梔子曲屈下行以瀉少腹之滿仍用桂枝分提大陽表邪一定之法也叔和偽撰之陷胸湯不中也 寒飲痞塞胸中主用砂蔻姜半以宣散之實熱結聚胸中主用枳殼以攻開之

結胸者項亦強如柔痙狀下乾則和宜大陷胸丸 原文

按陰寒痞塞胸中身必拳跼陽邪結聚胸中其身張揚此証不由悞下非陽虛陰湊之結胸蓋為胃中邪結緊盛逆滿冲胸而致項強昂然似痙張揚之驗也

然瘕病身手俱張此但項強原非瘕也其為逆滿所致耳

大陷胸丸

大黃 芒硝 杏仁 葶藶 各半斤

合研取如彈丸一枚別搗甘遂末一錢白蜜二合煮服

按用大黃芒硝以下胃中之燥甘遂葶藶杏仁以蕩胸上之滿可為合法然而証已急矣法宜急下不宜緩丸何為哉且不由悞下不當指為結胸方亦不必名之曰陷胸可也思欲改之而未即改者蓋有待于後賢也

三 結胸証具脈浮大者不可下下之則死 原文

喻嘉言曰胸既結矣本當下以開其結然脈浮大則表邪未盡下之是令其結而又結矣故主死也

三 結胸証具煩燥者死 原文

喻嘉言曰邪結于胸惟藉藥力以開之而所以載藥力上行者胃氣也汗之胃氣一傷下之胃氣再傷至熱邪搏飲結聚胸中而胃氣有不盡不已之勢煩燥者津液已竭胃氣垂絕之徵也堅敵在前營中士卒化為烏有能無敗乎此陷胸諸法見幾于早兢兢以開結為先務結開則胃氣自安如寇退而百姓復為良民噫亦微矣

傷寒論卷之十一
太陽病發汗遂發熱惡寒因復下之心下痞表裏俱虛陰陽氣並竭無陽則陰獨復加燒針因胸煩面色青黃膚瞶者難治今色微黃手足溫者易愈原文

喻嘉言曰心下痞與胸間結雖有上下之分究竟皆是陽氣所治之位觀無陽則陰獨一語正見所以成痞之故雖曰陰陽氣並竭實由心下無陽故陰獨痞塞也無陽陰獨早已括傷寒悞下成痞大義安得草草讀過無陽亦與心陽有別無陽不過陽氣不治復加燒針以逼劫其陰陽乃成如此危候也其用藥逼劫即可同推又曰中風悞下結胸傷寒悞下成痞者証之常也然而

中風悞下間有痞証傷寒悞下亦間有結胸証不可不明故次此條于結胸証後至太陽中篇亦次結胸于痞証後以求合作者之圓神也

按心下痞鞭之証無論由悞下或不由悞下而來者皆為陰氣痞塞也當用木附姜半砂蔻等藥扶陽散逆溫中逐飲三黃斷不可用喻氏謂無陽陰獨不可草草讀過其所謂手足溫者易愈是教人當用扶陽禦陰之法也其說更不可草草讀過

